



兩當軒集卷第九

武進黃景仁著

古近體詩七十二首

袁陶軒約早起看瓶荷盛開

倦夢如塵掃不開披衣欲起更徘徊平生不負看花約拋
得冰紋簞子來

淨几疏簾供若仙膽瓶猶說太和年盛來盡化楊枝水那

得開花不可憐數年前陶軒之鄉人鋤地得古塚多藏瓦器滿貯水作綠色上有刻太和四年者茲

其一也

豐山古梅歌 并序

梅為宋杜先生默手植先生祠在焉莓苔蕪沒鮮

集九

過問者乾隆三十七年安徽督學使者朱笥河先

生按部至和州為作亭刻石於上歌以記之

伊誰植此春風樹花下作歌人姓杜猿啼鶴唳空山空身

後誰來作花主先生之歌一世豪曼卿永叔真君曹先生

花癖何所侶魂夢一清都似水愛花種樹花即家較比逋

仙富孫子十年作尉不救貧四海結交誰更親獨將光怪

不磨氣分半壽得花精神青天鸞獻去飄忽坐使名花慘

淪沒霜冷飄殘博望鐘夜深掛住蛾眉月寂寞苔蘚荒寒

烟闌世經今七百年傳聞幾年花大放物色俄驚至天上

風流使者乘傳過下馬空祠為惆悵洗幽刷夜回陽光夏

玉銜金出高唱緣以亭檻崇之碑詢之守土僉云宜重來



置酒花墮醜一片贈與公相思文人從此出顏色幸是相逢有文伯不見東風昨夜來古香吹遍江南北

贈袁陶軒

近爲五言誰最長袁氏之子才英蒼是其家居溟海上沐浴百寶之靈光豈獨論詩意相可母老家貧亦如我負米還兼負笈遊五載重逢話燈火朗吟時一飄檐花細雨時聞落山果憐君家世本崔巍廉吏之子今難爲道中西華竟誰識座上北海真君師時惜從鄭誠齋先生遊師門恩重邱山比青眼高歌望吾子莫將歌哭向時人自有名山報知己不才似我分飄零敢託微波寄賞音須知親在兼師在方識君心卽我心

集九

贈別沈子孟

秋氣漸搖落吾徒合放歌但看君意得始覺我言多曲以無絃韻顏常不醉醪自知聞道淺慰我欲如何款款芳樽合迢迢蘭夜長無端成感激此意在微茫鶴送三更唳蟾懸萬里光相思與江水明日下午錢塘

水碓

更笑桔槔拙無心白轉環水因灘愈急人與碓俱閒獨火明遙夜疏聲徹四山誰知傾聽者愁鬢欲成斑

退潭舟夜雷雨

山僧夜半敲石火照見古壁騰龍蛇巖風忽刮一燈滅驚起百鳥鳴嘔呀千林萬竅浩呼洶俄頃急雨翻銀車嶺頭

墨色接天色。白處兩腳垂如麻。我舟忽爾移斷岸。曾吹水石聲交加。舟人繫纜爭性命。千丈一落分毫差。懸崖怪樹電光裏。龍顛虎倒猶盤拏。誰知暴雨不終昔。打篷漸歇箏琵琶。前山已復掛銀漢。隔岸尚見飛灘沙。當窗絕壁不能上。薄雲來往明於紗。草頭點點散螢火。水上閣閣鳴青蛙。新涼美滿雖快意。但破好夢方還家。

吳山夜眺

高閣倚清虛。深宵縱目初。月浮江郭動。星傍海門疏。淚已乾。羊祜情當死。伯輿如何。凌絕頂。難孳化人裾。

山館夜作

步虛聲寂散羣真。夜色平鋪不動塵。雲影自來還自去。最

集九

三

高山閣未眠人

城郭人民別想勞。看來身世總秋毫。此時萬戶應同夢。上有白烟低復高。

長夜山窗面面開。江湖前後思悠悠。當窗試與然高燭。要看魚龍啖影來。

十八夜

角聲風斷處。月黑四林秋。危坐忽消燭。高吟欲震樓。濤頭盤地轉。海氣等身浮。尚有越山色。烟中相對愁。

暮歸北山下。叢木頽垣未知何。人祠也。蒼涼獨步

悄然成詩

樹中出鈴語。覓徑經荒祠。星光滿空廓。照見欹殘碑。欲讀

不能審悄立回風吹輕塵旋成陣墮葉飄相隨屋角落鳥
羽草心繫蟲絲人跡一無到精靈沓來窺憐余嗜幽僻不
礙拈吟髭明朝脫經過盥手陳江蘼

游漪園暮歸湖上

名園負郭水爲鄰水上垂楊繫馬頻尋遍舊蹤疑隔世晝
來秋色借全身池臺入眼難畱客魚鳥能愁不近人若說
西湖似西子此時意態只宜颯

洪忠宣祠

啖雪龍庭十載餘辭家猶憶建炎初兩宮辛苦餐梨麪萬
里烟塵遞蠟書事去僅歸蘇武節身閒聊傍葛洪居湯陰
祠墓還鄰近可共英靈感故墟

集九

登石甌山

草間尋得逕絕頂豁雲烟漠漠風寒石冥冥雁沒天塔標
銀漢外寺圯劫灰前只隔西湖水歌鐘萬戶墮

由烟霞嶺至紫雲洞精舍

日出倚湖棹陰嶺此孤發叢篠時鉤衣晞露漸盈襪已有
樵斧聲丁丁出深樾欲叩徑所從尋聲易飄忽稍稍開停
雲微微辨琳闕夜梵悄已沈晨鐘閒將歇入門見夷光沈
照坐巖窟洞氣凝古香雲根抱臞骨相對我亦忘焉知境
超越君聽幽澗泉泠泠幾時竭

黃龍洞一名無門洞

未繩三千級先瞻丈六容無門窺法藏有地立雲蹤我識

泉皆眼人言錫是龍慧公如可作應許叩元宗

金鼓洞

祇激風泉韻何來金鼓名泥難縫地裂石忽使天驚斷脉
迎人氣虛中學語聲幽潭睡何物時有怪雲生

大佛石

舊說明湖是海邊人民城郭總茫然卻餘精衛未銜石遂
有祖龍來繫船骨立何心邀錦纜戶驅差喜脫神鞭山靈
亦解滄桑恨造化西方丈六仙

戲題酒家

我亦曾裁一幅禪翻於此處買深樽出門欲脫青衫先
道酒痕非淚痕

集九

五

前度詞人今白頭往來曾閱幾人愁短章已汗君家壁試
看碧紗籠得不

過賈秋壑集芳園故址

風月平章賜第年一山樓閣半湖船若論相業慙何地便
有仙居借自天遼海幾時歸別鶴洛陽空復愴啼鶻半閒
後樂俱荒址滿路秋蟲咽暮烟

僧齋夜坐

四圍蕭瑟竹磬秋空僻雲房獨夜愁風雨忽來人定後星
河猶掛樹梢頭無端嗜犬迎空吠有恨窗螢自暗投沈坐
頓忘身客處近城更鼓是杭州

問水亭

薄暮高城破鏡飛滿湖誰解愛清輝多情岸上人家火賺
得酒人無數歸

剩有狂奴占寂寥烟中舟子自相招放舟今夜誰邊宿只
向水香多處搖

湖樓夜起

漁舸歌舫寂無蹤夢醒湖雲第幾重捲幔水風能破醉鉤
簾斜月似窺儂暗中草氣兼秋氣烟外山容似病容若爲
幽人伴遙夜一僧樓上自鳴鐘

湖上雜感

遠山如夢霧如凝湖面風來酒面吹不見故人聞舊曲水
西樓下立多時

集九

六

水寒成陣怯衣單落拓愁懷遣倍難薄負才情合憔悴可
憐閒煞好闌干

雨中遊桃莊看飛泉

卽東坡題
聽泉亭處

搜石乃得泉泉流更洗石石淨爭天青泉飛化虹白山中
連日雨深塢絕行跡誰知穿雲來乃有問泉客左右聞潮
聲尋源固不隔懸崖忽當面飄沫時濺額俯掇星迸潭仰
怖雷破壁一與洞壑緣分支已千百稍戛旋翻銀微滄頓
澄碧大海及汙潦安知後所適保茲在山心莫忘初境窄
逝矣眉山翁誰歟證心獲

鳳山南宋故內

廢苑年年長綠蕪小朝廷此忍須臾久將去路歸滄海尚

可勾人是聖湖家法請成援越絕心傳行樂擬吳趨是會
閱得興亡處錯認江山作靄圖

葛嶺暮歸

湖岸烟塵過雨清繁絲促管悄無聲水風蕭白鷗羣散山
日荒黃我獨行破寺陰陰飄柿葉晚汀漠漠謝蘭英尋吟
自愛幽涼地反覺悲秋氣漸平

水樂洞

地籟此焉得了非絲竹桐有人聞帝所何日到山中近覺
泉生石因知水韻風金庭當不遠總穴可相通

雲棲寺

五雲山矗行復低縱橫十入澗九溪何山不雲此閒好入

集九

七

塢忽逢雲所棲漫空綠雨竹千頃入不辨出雲俱迷鐘磬
道客出蘭若步擔一二逢闍黎蓮池蛻跡此焉在一草木
意皆含西嵐形龕抱定光見鮓皮如腊山肩齊和南乍了
塔相對師乎何語相提撕旃檀噴鼻和蘆蔔伊蒲果腹甘
錫飴齋餘寺後看巖澗腰腳縱好須扶藜薜堦四漫泉流
澗藤壁獨裊煙淒淒回峯閃綠埋倒景急瀑掛練飛長霓
延緣復值徑窮處嶺頭尺五天抽梯飛空騰擲我無具有
不盡意輸躡縣名山幾處過如霧眼膜欲刮無金篦今宵
且可抱雲宿忍待日出窮攀躋

虎跑泉

性公元和閒掛瓢偶來此愛此山氣佳無泉亦將從道逢

白鬚人長跪乞畱止朝見雙於菟乃是兩童子盤旋忽不見已有一泓水問水何方來南岳幾千里龍象一帖然天人共歡喜至今鳴絃聲淙淙碧巖裏青蒲偃其旁綠蘿影其底但啜泉味佳其人可知矣一彈幽澗音再鼓松風起

龍井

一路風篁韻行人度嶺來逕緣花宛轉澗與水潑澗孤往道巖客空心訪辨才過溪亭不遠小憩亦佳哉

轟雷何處轉絕壁響龍泓物外齊乾澗山中誤雨晴不因風斷續常掛月空明但莫然犀逼幽靈自不驚

舊說湖山石茲窺眾妙門浪蒼天補色竊峭地掀根面久無畱影捫多已有痕更憐幽草碧跌坐每生温

集九

八

靈芽原有種他處遜清腴地借雲千葉僧分水一盂腸輪猶自轉舌本已堪扶畱與松房隙他時位竹鑪
一按太虛記長懷玉局仙烟霞無改色丹碧是何年寂寂諸天雨寥寥此夜禪明朝下山路回首定悽然

浙江亭

朝潮暮汐幾時休閱得吳兒幾白頭前度客驚霜雪老最高吟倚海山秋蛾眉月掛愁千里魚口風吹阻萬舟明發赤亭西上路片帆飛湖浙江流

黃山問道圖爲范懷山作

范善醫

不知山淺深安測道今古千雲隔兮萬雲阻縹緲高真此宮府山之神兮林林而央央是守天地之戶陰陽所藏坎

離獻胎息日月輸精芒其人在山山亦壽等閒草木皆
長持將示世人不識杳絕紅塵詎能覓何來乃有方

自掃青霞踏青壁木魅嗥君旁山猶歎君側還丹不
欲得自把精誠破山石黃圖之精吳樞子當日尋真
此登空躡岱徒茫茫采得靈源後天死爐烟裊作天都
龍尾才拖鼎湖水頰行畱有嘗藥方一一皆能鑄顛齒翁
今訪此非自仙欲遣大地蠢蠢全其年至人使物不疵厲
孤往那惜芒鞋穿或云巫彭不升岐伯天草根樹皮無妙
道黃軒奸黠橋山崩靈蘭玉版言無徵安知雲驂氣躡隨
地足不到聖處誰能乘容成子浮邱公往來只在茲山中
有時化鶴似童子有時化鳧如老翁樵夫牧豎不可以皮
相往往出沒游戲隨雲風翁行前路定相識拊掌一笑山
桃紅翁乎入山莫忘出多少扁盧待翁活

七里隴

海潮連日大直過子陵灘助以乘風便都忘上瀨難山圍
青步障水皺碧琅玕長憶披裘客空江六月寒

賀齊廟 在淳安

公苗英爽練江邊擊賊威名自昔傳舊地赤烏開郡縣當
時白楮費三千掃除山越瘡瘼合倉卒淮淝涕淚連父老
那知開國事祈春賽臘自年年

新安灘

一灘復一灘一灘高十丈三百六十灘新安在天上

稚存從新安歸而余方自武陵來新安相失於道
作此寄之

來鴻去燕江干路。露宿風飛各朝暮。多時相失萬重雲。忽
又相逢不相顧。吁嗟吾輩有底忙。悵好年華此愁度。君飲
新安水。我客錢塘城。風巖水穴每獨選。此閒但恨無君行。
君下嚴陵灘。我上富春郭。日日看山不見君。咫尺烟波已
成錯。卸裝孤館開君書。知君去纔三日餘。君行盡是我行
處。一路見我題詩無。吳山越水兩迎送。今夜追君惟有夢。
贈程厚孫時爲厚孫作書與汪容甫定交

繫余抱黯陋。研弄鮮精業。橫陳撫遺經。詰屈口先嚼。而解
嗤俗儒。鰕論何哮呷。識字得未曾異同。先掀扱。振顏強師

集九

十

承抱膝未見韜細。或吹牛毛紆。或旋螺甲虛。或逃芒荒挺。
或走偏狹六籍。坐泥蟠鏗響。誰與搗。何如返崇山。沈冥守
雲匣。何如老秦壁。巒登任頽壓。雖然千百年。名義固非乏。
緬維炎紀英。紛綸工羽翼。名象微言該。訓詁精理洽。下際
閩洛彥。闡聖在心法。亦坐門戶煩。孽庶相攻劫。所貴觀其
通。不廢如裘衿。亦如導支流。納浸需啟牖。亦如冶洪爐。金
沙融一霎。誰爲同心言。痒處與搔拈。適欣邁程子。高談快
傾峽。爲難有家世。此任在肩胛。傑觀卓不羣。雄步坦無跲。
覘所下帷處。望氣已爲憎。百城富擁桓。萬軸架盈鄴。時出
金石獻。聲發不能飲。遐哉作述心。曠世共呼籲。告我獨學
難。業成資輔夾。奈何威鳳資。友我等鳧鴨。我識江都汪。投

分差可恰匪特經無雙羣言工貫插平時氣炎炎可望難
可狎論文忽幽渺境擬月寒挾遂與俗殊尙狂名紛喋喋
知君求友殷招來爲飛劄文陣各挽強敵勅兩無怯我爲
壁上觀目定不及眨名山讓公等吾行荷鋤鍤

秋日讀書不疏園贈主人汪實夫

繞歛皆山我看遍見山太多山亦厭田稜高下峯嵐童石
腹輪菌秀靈欠西行十里忽渺綿遠林蒼蒼波激澗如繩
大路搖鞭絲似黛遙山界車檐美哉此鄉宜有人勝處卻
被君家占略經邱壑皆文心別掃烟霞築吟坵君家名園
先世貽維何藏之富鉛槧陸家充棟曹盈倉養就君才許
華瞻相逢意氣山爲傾倏見揮毫天可挾苦將榼撲塵齒

集九

十一

牙何異蹄涔比天塹肯容廡賃已幸叨許借書抄益愁忝
半生無術孟浪遊五字未工窮有驗知君博我良苦心祇
恐病處難爲砭反思昨夢天風吹百尺樓頭位書劍早知
此景眼前得何事十年徒羨豔吾徒亦有二三子天涯獨
學勞遠念行方作書慰藉之書成已有雞鳴店

題汪松溪遺集并所著詩學汝爲

實夫之父

近世作者何紛紛牛毛麟角誰能分文人傳否生未必要
在光爛能常有先生往矣遺稿在我得讀之從後昆豈其
天意假司命乃遣大雅來扶輪文章可解妙難解望候但
覺春溫溫慨然想見公爲人坐公讀書秋樹根不疏之園
鄰鄭村村人往往罕識面鍵關晤對惟皇境屏除一切可

已事。放作百劫難刊文。鑄山煮海富研述。四始六際逾紛
綸。上追申克溯元本。下揖亨萇相討論。十年書成付庭鯉。
六經未有如詩尊。乃知文字有元氣。得古獨厚方深醇。
香欲祝來已晚。私淑尚有伊川孫。厚孫是真窺見法眼藏。不
啻皇甫來韓門。三時抱簡聲常吞。先生賚志良苦辛。方今

李值

右文化。石渠眾彥趨如雲。此書一出有目見。先遣雅秦從

天聞。一編家置意中事。但恨不及當公身。

時詔購藏書將獻焉

題許萃和樂山書屋

昔遊何山奇。東南黃海最。但驚秀絕天地閒。終愁險出人
情外。此地合讓天爲都。遊之且難而況居。若論卜築何者

集九

十一

得我作主人。山作客不待招邀。滿戶庭常與幽人借顏色。
能化城市爲烟霞。最好未有如翁家。市聲只用一牆隔。嵐
翠已教三面遮。看山得山自來處。百里軒臺陡雲霧。支峯
散作萬馬奔。昂昂欲過窗前去。此中讀書生子孫。那不頭
角都嶙峋。馮家四經舊守匣。鄧氏一藝皆空羣。方知愛山
有真樂。雀躍作遊吾自笑。願託靜者爲平生。此意久取名
吾名行。當脫卻謝公屐。來看君家一桁青。

題汪莖儀圖照

乘空列御是耶非。廣袖飄如鷁退飛。誰道高寒歸不得。七
重雲護半銖衣。

雜題鄭素亭畫冊

月黯沈雲多。山深夜泉長。忽斷疏鐘撞。誰敲石門響。
翁如訪戴行。我願爲童子。隨向溪橋邊。韻入橫圖裏。
倦掩窗。前卷閒揮膝。上桐斜陽。畱幾許。雁背不成紅。

別厚孫

用豆可合黃。用麴斯成醴。但覺相需殷。焉能究其理。吾行
天下多未見。如吾子立談。只斯須。感我胡能爾。洵哉交有
神。作合非無以。智無古人多。疇能愛知己。語默關性情。文
章出根柢。若失褚期生。不相天下士。所冀爲古歡。其終一
如始。努力百年閒。聚散方自此。

汪荆石以詩見投。且索賦其齋頭古梅。匆匆未有
以應。因書七月中所爲豐山古梅歌附題其後。

集九

三

朔風噤關晨不開。忽報詩老傳詩來。巡簷朗誦破寒寂。尺
幅似挽陽春回。是何筆力桀且魁。有解讀者知誰哉。多時
欲訪翁家梅。歲晏苦被歸裝催。翁今索詩爲花壽。我欲賦
此無翁才。一詩成時一花放。每看一花傾一杯。翁家此樂
在天上。塵塚下土何由陪。豐山古幹昨所詠。爲愛昔者歌
豪裁。眼中翁在豪過此。安用望古徒徘徊。先將此札疥翁
壁。他時蠟屐來高齋。作詩草草翁無哈。

響山潭

一舟搖醉眠。夢醒臚聲響。洞窗見長崖。峭立森如掌。頽光
影澄流。凝碧隨滉漾。人言響山潭。呼之應成兩。三呼而三
應。高下隨所餉。大聲既隆隆。小語亦朗朗。昔詫石鏡奇。巖

詹了能仿茲能效無形乃真絕言想喧寂人籟兼鳴叩道
心長迢然發鸞吟韻與連山往十年走塵中高唱無人賞
得此爲同聲苦心殊未枉

練江舟中

青山萬疊江一線一葉扁舟下如箭船頭高坐披裘人終
日看山如不見問君胡爲不見山山過倏忽迷茫閒崖連
但若障迎面峽轉忽如天霽顏嶺上行雲半晴溼晴雲俄
追溼雲及雨來只送山氣腥雨過頓助灘聲急星光漸大
日已曠搖舟泊入千鷗羣磯頭石作琳碧燦水底沙皆蠟
蚪文十年塵夢快冰釋中夜臨風展瑤席大魚聽曲來昂
昂獨鶴掠舟飛拍拍夢醒遠柝聞五更茫茫露下空江平
舟人醉眠時謔語百呼不應天將明

集九

尚

冬日過西湖

寂寞樓臺鎖凍雲閒蹤惟我最殷勤西湖與爾堅相約一
過錢塘一訪君

湖上羣山對酒尊無山無我舊吟魂不須剪紙招魂去畱
伴梅花夜月痕

冬日克一過訪和贈

每經契闊想生平四海論交有少卿似我漸成心木石如
君猶是氣幽并那愁白璧投無地多恐黃金鑄未精別後
酒狂渾不減月斜舞影共參橫

不愧狂名十載聞天涯作達儘輸君移栽洛下花千種醉

倒揚州月二分翻笑古人都寂寂任他餘子自紛紛樽前
各有飛揚意促節高歌半入雲

知君興盡欲回舟日暮天寒不可留百歲去時何鼎鼎半
生行道苦悠悠青山未買元暉宅江水能言洗馬愁前路
酒徒相問訊故人久已做貂裘

謂令弟
梓樹

癸巳除夕偶成

千家笑語漏遲遲憂患潛從物外知悄立市橋人不識一
星如月看多時

年年此夕費吟呻兒女燈前竊笑頻汝輩何知吾自悔枉
拋心力作詩人

別稚存

集九

五

莫因失路氣如灰醉爾飄零濁酒杯此去風塵宜拭目如
今湖海合生才一身未遇庸非福半世能狂亦可哀我剩
壯心圖五岳早完婚嫁待君來

別陳秋士次韻

新知雖樂奈愁何相對空爲斫地歌去國反如歸思急異
鄉偏聚故人多懷君曉岸垂垂柳送我春江淼淼波何日
荆南山色下一條銀燭共微哦

春燕

畫梁仍在故巢傾誰遣依人又此行日暮庭空飛不去聞
花於我舊關情

誰與高樓伴苦辛重來非復昔時春只言世上多關盼初

念何曾薄待人

王謝烏衣眾所誇託身未肯戀繁華誰知覆雨翻雲恨轉
在尋常百姓家

迢迢故國去來休莫爲無情特地愁見慣蜃樓渾不訶我
家原在海東頭

集九

六

兩當軒集卷第九

兩當軒集卷第十

武進黃景仁著

古近體詩六十五首

孫薇隱自句曲歸以詩示輒題於端卽和其春日
枉贈之作

句金之壇閒有陵云可度世而上昇東南一竅闢地肺綿
延休氣時雲騰華陽玉碣閉千載登空有躋誰其乘我生
夢見且未得君有仙骨君先登神君抗手不復顧曲城聞
闐呼可騰江山文藻待洗刷乘風欲去何由能譴訶元放
叱抱朴笑彼過客如風燈叢花匹練俛下界幻作組繡羅
君膺歸來脫袞袞出奇句是何光氣誰依憑試聽擲地響金

集十

石不然捫字生圭稜竹墳篆鼎披詰屈冰車鐵馬驅凌兢
星枝落筆芒四射虹血漉劔斑初凝不愁嘔心鉢肝腎雲
夢八九胃浮蒸始知名山助才力技至此矣胡能稱靈蛇
荆壁家所握嘈噴眾響喧蛙蠅君其一出空所見如以赫
日消春冰由來文章貴瑰傀肯襲蹊徑循畦塍雲君山鬼
義斯正墨兵蒙寇言差恆云奇豈復古人過況以常語相
因仍長庚星死玉樓召此事讓君三折肱參之韓杜得沈
鼻大厥門戶歸高曾遊山讀書更十載恐絕來者難攀承
我方兀兀弄鉛槧才幅偏仄無尺繒惠連得句自吟賞束
皙漫語叢譏懲謬逢作者癖痂嗜積氣得吐相誇矜憶從
去春枉君作遲久不報理詎應苦緣望氣已辟易疲軍再

鼓嗟難興傾心倒意詎能默聊用撮壤崇山層自知俗骨
不能換煩君汲引拋長繩朗吟偕訪舊遊去挈我騎二茆
龍升

贈明分司春巖次蔣清容先生韻

三首
之二

繡虎才名威鳳儀望塵爭悔識君遲暫勞官海籌平準小
試調羹寄職司臥榻魚龍看變化故家陵谷歎遷移

尊人
方伯

以事繫廷尉家籍沒

思親北斗闌干夜耿耿星杓欲化箕

天於豪傑試艱難未許烟波把釣竿實玦僅存心愈壯明
珠雖去海尤寬鶯花南國思公子父老東郊拜長官相望
甘棠餘蔭在莫瞻直北涕闌干

君曾隨尊人官
江南十餘年

廣陵雜詩

集十

二

終古垂楊色春來似畫圖烟花正南部盜賊已東都四帳
冷秋月十宮平綠蕪至今渦水上流恨失頭顱

繁華闌地脈剝復見天心徹夜金銀氣摩空車馬音銅山
家萬戶綺食宴千金誰識淮南客閒從局外吟

不作揚州夢時因載酒過但聞花歎息似有鬼清歌城郭
黃流近樓臺暮氣多討春何限好其奈晚秋何

和錢百泉雜感

先生執拂談經處坐覺涼秋六月生多少聚鬪門外客一
聲鐘後更無聲

沸天歌吹古蕪城淮海波濤自不平手指秋雲向君說可
憐薄不似人情

臣本高陽舊酒徒未曾酣醉起烏烏
癩生謾罵奚生傲此輩於今未可無

飢鳥

啞啞啼鳥翅倒垂託身偏擇最高枝
向人不是輕開口爲有區區反哺私

重九後十日醉中次錢企盧韻贈別

摩挲蠹簡熱心香癡絕吾師顧長康
詎擬高飛凌俊鶻只吟苦調鬪寒蜚
長松骨節摧和嶠衰柳腰肢瘦沈郎
搖落不堪重錄別秋風初束舍人裝

痛飲狂歌負半生讀書擊劒兩無成
風塵久已輕詞客意氣猶堪張酒兵
霜滿街頭狂拓戟月寒花底醉調箏
誰能

集十

了得吾儕事莫羨悠悠世上名

肯容疏放卽吾師花月文章皓首期
那覓酒能千日醉不愁音少一人知
身名已分同飄瓦涕淚何曾滿漏卮
幸有故人相慰藉瀕行拋得是相思
無端被酒復沾襟秋氣偏傷壯士心
幾見拖腸真有鼠誰於焦尾更名琴
經路草難承屐冒雨籬花不滿簪
同記尊前蕭瑟意舊遊魂夢好追尋

偕邵元直毛保之遊虞山破山寺遂達天龍庵尋

桃源澗

茲山海隅勝佳名昔耳食命儔得所導
快陟如舊識千嵐忽震燦目光訝頻拭
萬樹霜楓林豔此天地色助以朝陽

輝絢爛斯云極入林甫一轉已忘山南北素石兼長松彩
翠相鏤飾妙繪不到處化工展匠力應接搖吾精十步須
九息面面圍錦障陰陰藏淨域奚俟窮幽探茲觀生未得
誰云秋山空林暗日卓午寺門影遙紅幽敞形構古高僧
一指禪破山作山祖石幢鐫寶文珠閣散花雨寺後竹千
頃一綠上眉宇松閒就僧飯窗際聞樵斧枯澗積葉深葉
底暗泉吐度約登山椒憩足匪一所回頭俛僧寮繚曲見
窗戶高處何所聞嘹嘹雁相語

登高易心瘁況茲搖落辰我行深林中敗葉如隨人前峯
忽中斷平野連城闌人氣此焉聚上結濛濛塵誰知我曹
樂迴與太古鄰日華轉壑底霜氣清崖垠更愛佳石淨皴
瘦無輪囷每坐不忍移撫之輒生溫遙山萬千疊何處平
吾身

集十

四

下山行別僧歸逕屢轉右鐘聲忽遞風尋之越岡阜依然
邁精藍行近不知有逕造竹閣吟坐聽澗聲久尋源得奇
絕石理若瓜剖平落十畝寬側撤千丈陡想見春水生百
萬玉龍走暝色沈鏡光欲攬不在手未窺山面全佳處吞
八九劒門拂水崖較此孰前後明發更扳陟斯遊庶無負

題鄭秋堂山水幅

君家三絕此其一畫此春山白雲出春山鬱鬱何蔥蔥雲
捲忽隨縑素空偶然斷出林岫色複疊不知千萬重長松
飄風子墮瓦下有讀書長歎者坐看生滅雲耶山斯人懷

抱豈等閒我欲扁舟一相訪側身天地何由往

展叔六先生墓

龍蛇往歲訝崩奔宿草傷心滿墓門弟子下車惟有慟先
生高臥竟何言隻雞久負平生約一劒空懷國士恩令子

成名公不見此時悲喜總難論

嗣君培德今年舉於鄉

傳經舊地黯凝塵七載飄零寄此身八世日還深一日愛
才人總遜前人山邱涕淚關存歿衣鉢文章共苦辛後死
亦知終未免願分抔土作比鄰

借邵元直遊吾谷

此閒看山復看楓谷口敞與平原同長崖一障日邊雨高
樹獨搖天半風側身忽覺軀幹小挈友況在神仙中山靈
極知我曹樂畱住絕壁殘陽紅

集十

五

大雷雨過太湖

甲午十月十一日將從具區歸吳淞曉來風日頗蒸鬱氣
似盛夏非初冬人憂中渡有焱警舟無十斛波千重平生
涉險輕性命況乃風便時難逢張帆逕渡不顧反去厓稍
遠聲洶洶舟空帆足半掠水或出或沒疑游龍此時狂喜
呼絕倒一霎快意天所供天如念我有奇癖忽然大笑電
目隴東西閃爍雲四結如波萃萃如霞封俄兼墨色變深
紫半天赫赫垂噴容遂聞雌雷轉水底飛廉屏翳驅相從
鞭馳百怪起狂鬪列缺吐燄遙傳烽此時我舟助顛簸如
山巨浪相撞衝我張空拳奮叱咤欲與霹靂爭其鋒暗中

不識神鬼至。時有赤蛇飛。則曾雨聲變。驟雷更疾。一聲恪
恪。雲蓬鬆。漸看雲氣斂。餘怒略見。兩脚收狂蹤。回頭咫尺
語舟子。事已至此無恟恟。尙餘徑寸未登岸。莫計明日能
朝。饗我思陽月陽退聽。豈宜玉虎鳴其苑。易占冬雷有明
驗。驗必地震年斯凶。果爾微軀詎足惜。行且累及千吳儂。
華堂豈少失箸客。此時萬口方詢詢。誰知獨有浪遊子。隻
影汨沒隨鱗鱗。不知怖心落何許。反快一洗平生庸。維舟
得岸真幸爾。轉思往境心如春。驚魂或恐招不得。已滅湖
上之青峰。

重過汎里寄懷龔梓樹

舊與梓樹
讀書處

不款君扉歲九更。偶因訪戴一經行。

近萬黍
維居宅

舊諳門徑詢

集十

六

鄰里孰識兒童問。姓名同學故人猶落魄。重過班馬亦悲
鳴。荆南山色青無恙。如代君家作送迎。

乙未元旦

隔年鄉夢驟驚回。萬戶頻將爆竹催。拜跪畧稀身是客。經
書暫掩性猶孩。遶牀懶使呼盧興。闋座慙無射覆才。我自
愛吟人闋處。空庭閒撫未開梅。

呈袁簡齋太史

一代才豪仰大賢。天公位置卻天然。文章草草皆千古。仕
宦匆匆只十年。暫借玉堂畱姓氏。便依勾漏作神仙。由來
名士如名將。誰似汾陽福命全。

雄談壯翰振乾坤。喚起文人六代魂。浙水詞源鍾巨手。秣

陵秋色釀名園幾人國士曾邀盼此地蒼生尙感恩我喜
童時識司馬不須擁篲掃公門

煥室風亭翠靄閒藥欄花徑互周環半篙後主迎涼水

溪舊志爲南唐納涼所

一桁前朝戲馬山似海繁華歸彩筆極天花

月養蒼顏誰知泉石皆經濟此意先生詎等閒

偶逢佳日徑開三絲竹聲攙笑語酣帳後金釵分左右筵

前竹箭盡東南張燈高會星千樹蕩漿情歌鏡一潭不與

西園冠蓋未可知才具本難堪

去秋先生招宴以病未往

春曉

黯黯復沈沈虛堂擁薄衾枕邊尋斷夢門外釀輕陰謝識

孤花意歸知獨雁心

二語夢中得

峭寒猶似許不道入春深

集十

七

十四夜

照夜輝銀蠟當筵湧白波醉嫌千日少事到十年多皓月
常相似清歌不奈何歡場如不散那用涕滂沱

十六日

無端新恨鎖眉頭暗省韶光似水流自過百花生日日一
分春是一分愁

庭中落梅

憑誰蕭寂破幽容愛惜芳菲意較濃早得名花連夕兩極
銷魂事五更鐘自矜標格癡非福老見繁華夢亦慵省識
此時零落恨石欄干外辭重重

將爲北行畱贈沈楓塢

入春五十餘十日九陰晦釀此將離天行坐輒吁嘅朝夕
聞書聲寓齋與君背時一相過從深談吐肝肺君才十倍
我抑抑善謙退計我客姑孰一至今已再昔君方髫齡已
露岐嶷槩賦詩倒座客徵故傾前輩重來益深造衙華實
爲佩鉤探積籍精斂氣羣經內方今重實學大義了無昧
翩翩虎觀儒大呼破龔憤眼見吾子出鸞翔應當代乃公
賢刺史既堂先生高義屬嵩岱更於寒微士加以性命愛元氣
之所鍾於君福斯載我欲爲諛詞不忍爲此態我欲揚君
名焉得家置喙見君學殖堅愧我舊業廢漫爲人海行毋
乃笑襍襪去程越河岳離心渺關塞念自今始兀兀暫
相對

集十

八

將之京師雜別

翩與歸鴻共北征登山臨水黯愁生江南草長鶯飛日遊
子離邦去里情五夜壯心悲伏櫪百年左計負窮耕自嫌
詩少幽燕氣故作冰天躍馬行

看人爭著祖生鞭彩筆江湖皎黯然親在名心畱百一我
行客路慣三千誰從貧女求新錦肯向朱門理舊絃吳市
簫聲燕市筑一般悽斷有誰憐

窮交數子共酸辛脈脈臨岐語未申割席管寧休罷讀分
財鮑叔向知貧初心小負棲巖約後會依然戴笠人除是
白雲知此意幾曾情豔軟紅塵

說著因人意轉慵沙痕到處印泥蹤原嘗好客依都遍鄒

季論交別更濃浪許詞場誇姓氏要將人海盪心胷不妨

面似先生黑上帝何曾殺黑龍

事出墨子

身世渾拌醉似泥酒醒無奈聽晨雞詞人畏說中年近壯

士愁看落日低才可升沈何用卜路通南北且休迷只愁

寒食清明候鬼餒噴頭羨馬醫

載酒扁舟障錦車風情無際擅年華牽魂西子湖頭月照

淚吳王苑裏花已是舊遊如夢境況經遠別更天涯馬頭

細草茸茸碧來歲相看可憶家

賈禮耕用昌黎石鼓歌韻贈詩和贈一首

我生耳不別風節而愛清廟明堂歌夔襄子野不在世奈

此哇咬羣聲何或歌變羽亦快意驟馳鐵馬揮金戈詞人

集十

九

久放防露作音雖噍殺終難磨半生古意徇同調企心疲

想空蒐羅誰知古調屬巨手魯靈光殿瞻峩峩世人求見

路相左不在朝市藏巖阿魚龍風雨各變態憑君一氣之

所呵文章鼓吹有根柢以混凡響奚能訛異書夢見身化

蠹奇字飽積胷盤嶸長源闢瀾絕游瀚槎犯牛斗梁竈鼉

觀君筆陣卻而走狂叫百而巡庭柯魂迷上下九枝日目

眩經緯羣龍梭傳聞揮毫復容易若不欲作聊委蛇陸離

魂魄乃有此便恐雨逗勞媧娥彫觚元氣鑄福命我爲此

老揮滂沱蓬行鵲起頓塵壤壯士窮老歸平和但聞洛陽

負奇望不見烏佛身登科他人愠色君莞爾世上餘子紛

何多感君意厚借餘論愧我蹇才同伏駝脫非知已孰華

子選持布鼓雷門過不材敢濶匠石斲朽骨妄冀良工礎
南州昔日富文藻騎鯨客去江猶波青天明月不改色歷
照過客無偏頗生同斯世遊共國高談痛飲寧論侘我曹
世外結心賞豈似羣論工媿嬰一編落手等性命兩髀生
肉徒摩挲憐余親在有行役青山采石畱君哦此時暫作
失羣雁他日願化聽經鵝相從親受法眼藏奚事鑄像參
禪那汰淘眾響出金石發揮大義追卿軻書成倘許附姓
氏相與萬古流江河君其書銘置我座勉旃小子毋蹉跎

孫恣世清明日借賈稻孫顧文子丁秀巖登白紵山

平原二三月百卉豔天地輕雲盪風光野馬走山氣灰心
忽飛揚聯翩逐遊騎游意莽闊寥肯爲尋芳賦登峰須第

集十

十

一腰腳久未試水盡乃得山嵐回適藏寺客有霞外賞獻
落松閒吹長江獻浮練羣峯合晴翠當年蝟鬚人憑陵極
雄恣世不生英雄此亦可人意歌舞爲塵埃風景苦無異
弔古兼傷春我心惛惛日暮歸去來精靈脫相魅

太白樓畱別史尺庵

五年三度客南州強半登臨在此樓若使人生無別恨只
除江水不東流歌殘白紵辭官閣吟斷青山上客舟卻羨
姑溪溪柳色解將青眼爲君畱

三月十三日沈旣堂先生座中十二人合年五百

歲分韻得少字

繁葩綴霞林爛茲九春杪敞扉開長筵竹箭盡江表繫惟

主人賢高義雲日噉奉觴壽北堂分潤及賓僚或年如日
東或姿等松矯一與斯燕中盡作期頤兆緯知昂宿兼聚
嫌德星少屏去雲母障帷撒絳紗繞枰楸落蜚英壺矢靜
風篠酒氣禁宵寒燭光敵蟾皎卯飲兼夜遊黃昏連白曉
匪日耽燕衍古歡合清醪我輩客天涯聚散枝上鳥去日
何堂堂後會方渺渺眷言主情厚頓釋羈愁擾錫類惟綿
長回心更傾倒給席喜價增齋翰疚言小行買千丈絲一
繡平原趙

月夜渡采石懷當塗諸友人

高城翳難望山暝日飄忽喚渡橫江時蒼崖已棲鶴牛渚
靜驚濤天門鎖雙闕江隨花月夜舟與水雲發風細不滿
帆露重漸盈轆萬響俱寂寥微波偶瑟汨租船高詠沈晝
舫清遊歇試問古來人共此青天月撫景方沈吟懷人黯
銷骨離歌閒微茫別宴散匆卒今宵江館中應有夢飛越

旅館夜成

斜月陰陰下曲廊燕眠蝠掠共虛堂牀頭聽劍鏗成響簾
底看星作有芒綠酒無緣消塊壘青山何處葬文章待和
燭。鼻。些。獨。語。又。恐。添。渠。淚。一。行。

壽州贈知州張菴圃先生

蘭臺虎觀孰稱雄大有人藏吏隱中入夢三刀銜甫換隨
身萬卷橐常空天教經術成經濟我識才工勝宦工循吏
儒林更文苑他年佳傳總歸公

山右文章舉世推。濱江桃李遍新栽。知公獨有千秋意。造士皆成一代才。大雅扶輪歸老輩。小山承蓋屬輿臺。自慙漂泊淮南客。又款侯門得得來。

登寓樓

書劒勞勞久。倦遊偶思清。歎得高樓淮山中。斷開平楚。頽樹遙分見。數州地僻。市官偏倨。傲年荒闕吏。且窮愁鄉心。絕似胎簪水。日夜東南不盡流。

雨後寫望

彌空水氣自魂魂。雨過長淮已到門。七十二川流合處。一條清潁不曾渾。

題錢兩樓圖照

集十

主

天然臞隱骨。嵯峨破絮蒙頭。自苦哦殘雪。一峯相對立。不知清氣落誰多。

凍合千林鳥。斷羣此間。位置儘宜君。誰知萬仞高寒意。沁入詩脾已十分。

院齋納涼雜成

每聞暮鴉聲。窗裏已轍讀。鴉陣日一過。半空聲肅肅。前者若得意。後者奮相逐。最後或兩三。哀鳴飛更速。怪問旁人言。市後有喬木。日出鴉四飛。日入羣就宿。吁嗟復吁嗟。我豈如此鴉。

平頭搖大扇。不如風自來。細竹略成響。已蕩疏襟開。竹氣况自涼。無風亦佳哉。我行達淮潁。土性竹不栽。得見三兩

年貴重如瓊瑰。寓齋偶具此。雖少有卽佳。經春更添筍絲。蔭將成堆。呼童日扶灌。相對時銜杯。故山足千畝。一一驚春雷。胸吞不能盡。多者伐作柴。其下坐故人。念我應徘徊。爲師實人患。而我適坐之。奇字或相叩。大半心然疑。所媿來問意。贈爾惟不知。比舍聞誦讀。暇卽相追隨。露坐當風軒。談劇鮮所羈。聚首豈不樂。安能無別離。努力二三子。何患乎無師。

去歲此方旱。地有千里赤。江甸流饑民。淮關斷沽舶。米貴淮南時。正值我爲客。今春好雨暘。喜見收二麥。新陳米未交。斗價尙三百。又聞故鄉田多蝗。土將石我家無負郭。更復艱朝夕。居行兩心悸。救貧少長策。東南民易疲。豈任荒歉積。中宵望天雲。殷憂定何益。

集十

吉

尋墓篇爲程仲南作

出亦悲入亦悲。兒悲不爲寒兒悲。不爲飢問之旁人。那得

知解一父一而已。母有前後生。我者父天父卽母。母死不得

母葬所。蒼蒼之天實誰咎。解二一燈熒熒父病在牀。顧語七

歲兒。佗時歸母葬故鄉。於何求之詢涓陽。於何詢之之胸

陽。解三胸陽十萬戶。一一歌鐘起。問我舅氏家。老成已謝孤

子死。借問舊鄉里。呼名半人鬼。母墓不可得。不得墓兮不

可以爲子。解四朝出郭門望。暮出郭門望。淚痕著樹樹枯死

芳草爲不芳。誰何白鬚一老翁。指點抔土沙堤旁。幾年寒

食無酒漿。幾年野火驅牛羊。人言此事五十有餘載。今得

歸葬故鄉。

五解

兒寒不愁兒飢不愁兒名不欲傳萬口兒

事不欲傳千秋願人尋墓墓即得呼嗟此意無人識。

六解

言懷

聽雨看雲暮復朝誰於籠鶴採丰標不禁多病聰明減詎
慣長閒意氣消靜裏風懷元度月愁邊心血子胥潮可知
戰勝渾難事一任浮生付濁醪

豈意曹騰便到今一聲鐘動思情惜齋魚枉食神仙字海
鳥空知山水音千載後誰傳好句十年來總淡名心何時
世網真拋得只要人閒有鄧林

得家書悼殤女

初月才生落已催好花差喜未曾開珠從慈母擊中奪書
自山妻病裏栽終傍人家何足戀暫爲而父詎忘哀我從
客邸開緘慣略欠平安是此回

晚眺

關河容易入斜暉獨立蒼茫數雁羣樹裏沙淮流漸合門
前梁楚地初分天黏野草疑無路風旋驚鴉忽入雲我意
先秋感搖落澤蒲汀柳漫紛紛

淮上夜發因憶壬辰之冬借稚存隨朱笥河先生
按部經此脩三載矣悵然有作寄稚存

平沙渺渺烟蒼蒼長淮晚來沈鏡光舟行十里復五里
鈎新月懸危檣楚火星星明兩岸極浦清歌入天半七絃
罷彈傷不傾默聽離心倏零亂一半催成風水愁分明訴

出飄零。怨我心。悵觸非酒。悲坐有往事。勞沈思。山川風景
了無異。絕憶此流初。汎時東山賓。從南州客。顧榮羽扇。桓
伊笛前。舫謹呼。句落成後。舟笑語風吹。逼我舟李白。同醉
眠。醉後亂拍洪崖肩。歎歌懷古樂。相樂望者誰。不稱神仙
只言好景堪。把玩誰知過。眼皆雲烟太息。吾徒二三子。半
脫芒鞋著珠履。客路空追大小山。離程已判東西水。十年
湖海慙浮名。再來跡比清淮清。登爐依舊美。清夜卻對長
年訴愁語。素志難移橘柚根。微軀不及龜鼉化。我欲招隱
山之幽。多恐歲晏難爲畱。似拋雞犬未仙去。管領別離無
限愁。回頭卻望聽歌處。已失八公山上樹。

題李牧堂青巖圖

集十

五

重崖疊巘。氣冥冥。寄爾乾坤一草亭。壁上龍蛇。藤補屋枕
邊風雨。樹穿櫺。才名此日兼三絕。筆墨他年護百靈。豈合
斯人老邱壑。將來麟閣要丹青。

中元

裁蓮作燈。燈七葉百莖。光從水間出。風膏著露精。靈愁。蚯
脂。晚灑蛟龍泣。迴光卻射恆河邊。極天餓鬼來如烟。幡幢
花果遍世界。哭來笑去風飄然。東家女兒巧心思。剪得濃
花似儂媚。自禮金仙守夜分。不捲風簾養燈穗。五更以後
珠斗斜。野火散滅人還家。嫩涼各抱蘭氣宿。遍地露蟲鳴
緯車。孤館空香步塵跡。似有秋魂弔書客。爲君更唱鮑家
詩。愁烟裊盡東方白。

秋夜

燭跋燒殘擁薄衾繞廬策策響疏林漏沈二十五聲點雁
送三千餘里音櫟社人間幾零落桂叢天半自陰森蹉跎
淮海誰相訊夢向白雲迷改岑

集十

去

兩當軒集卷第十一

武進黃景仁著

古近體詩八十一首

曉起

昨夜瞳朧月今朝瑟颯風琴心來海上客思滿江東館穀
充新秣園蔬進晚菘眼看時節改愁寂感秋蓬

史氏安之潁州便道見訪

曉聞鄉語驀然驚自起開門握髮迎鬢上吳鹽今幾疊夢
中楚雨昨三更昨以不及達就平康宿焉若論事業頭顱在莫數兒童
項領成絕倒行藏同佞君爲書記我經生

半載清淮常臥病經年舊雨最相思小山桂樹吟方苦大

集十一

海洋蹤聚亦奇按曲尊前推老輩傳經帳後得佳兒下牀
萬里吾徒志不贈當歸贈可離

綺懷

楚楚腰肢掌上輕得人憐處最分明千圍步幃難藏豔百
合葳蕤不鎖情朱鳥窗前睂欲語紫姑叱畔目將成玉鈿
初放釵初墜第一銷魂是此聲

妙諳諧謔擅心靈不用千呼出畫屏斂袖撈成絃維拉隔
窗摻碎鼓丁寧湔裙鬪草春多事六博彈棊夜未停記得
酒闌人散後共舉珠箔數春星

旋旋長廊繡石苔顛提魚鑰記潛來闌前罽藉烏龍臥井
畔絲牽玉虎迴端正容成猶斂斂照消沈意可漸凝灰來從

花底春寒峭可借梨雲半枕偎

中表植奴識面初第三橋畔記新居流黃看織迴腸錦飛
白教臨弱腕書漫託私心緘豈惹慣傳隱語笑笑葉錦江
直在青天上盼斷流頭尺鯉魚

蟲蟻門戶舊相望生小相憐各自傷書爲開頻愁脫粉衣
禁多浣更生香綠珠往日酬無價碧玉於今抱有郎絕憶
水晶簾下立手拋蟬翼助新妝

小極居然百媚生懶拋金葉罷調箏心疑棘刺鍼穿就淚
似桃花醋釀成會面生疏稀笑靨別筵珍重贈歌聲沈郎
莫歎腰圍減忍見青娥絕塞行

自送雲駢別玉容泥愁如夢未惺忪仙人北燭空凝盼太

集十一

二

歲東方已絕蹤檢點相思灰一寸拋離密約錦千重何須
更說蓬山遠一角屏山便不逢

輕搖絡索撼垂窠珠閣銀慵望不疑梔子簾前輕擲處了
香盒底暗攜時偷移鸚母情先覺穩睡獨兒事未知贈到
中衣雙絹後可能重讀定情詩

中人藴氣似微醺薈澤還疑枕上聞唾點著衣剛半指齒
痕切頸定三分辛勤青鳥空傳語佻巧鳴鳩浪策勳爲問
舊時裙衩上鴛鴦應是未離羣

容易生兒似阿侯莫愁眞箇不知愁黃綠湯餅筵前見仿
彿龍華會裏游解意尙呈銀約指含羞煩整玉搔頭何曾
十載湖州別綠葉成陰萬事休

慵梳常是髮鬅髻背立雙鬟喚不磨買得我拌珠十斛賺
來誰費豆三升怕歌團扇難終曲但脫青衣便上昇曾作
容華宮內侍人閒狙獯恐難勝

小閣爐烟斷水沈竟牀冰簟薄涼侵靈妃喚月將歸海少
女吹風半入林施盡蘭缸愁的的滴殘虬水思悵悵文園
渴甚兼貧甚只典征裘不典琴

生年虛負骨玲瓏萬恨俱歸曉鏡中君子由來能化鶴美
人何日便成虹王孫香草年年綠阿母桃花度度紅聞道
碧城闌十二夜深清倚有誰同

經秋誰念瘦維摩酒渴風寒不奈何水調曲從鄰院度雷
聲車是夢中過司勳綺語焚難盡僕射餘情懺較多從此

集十一

三

飄蓬十年後可能重對舊梨渦

幾回花下坐吹簫銀漢紅牆人望遙似此星辰非昨夜爲
誰風露立中宵纏綿思盡抽殘繭宛轉心傷剝後蕉三五
年時三五月可憐杯酒不曾消

露檻星房各悄然江湖秋枕當遊仙有情皓月憐孤影無
賴閒花照獨眠結束鉛華歸少作屏除絲竹入中年茫茫
來日愁如海寄語羲和快著鞭

中秋夜雨

我生萬事多屯蹶眄到將圓便成闕今宵滿意觴蟾盤西
北浮雲早蓬勃薄暮雨愁禁散絲黃昏坐守猶未歇請從
樂府歌霜娥肯向愁人鑑華髮伊誰天柱追嬉遊有客鍾

陵去飄忽平生浪說神仙中至此能無愧凡骨三年三覓
雨中秋蒙被掩關愁兀兀反思作客無好懷便有良宵轉
埋沒羈心卻與晦冥稱夜氣不隨絲管發況今萬里同陰
晴天意何曾閒胡越寄聲雲將謝雨師我心自有明明月
初更後有攜酒食至者欣然命酌卽用前韻

狂喜下階趨欲蹶豈意今宵百無闕滿堂酒氣飄氛氳一
縷心烟起翦勃渴羌奮吸老饕嚼雜沓雨聲同不歇壺觴
匪惠惠及時快意眞無憾毫髮癡童睡醒驚抹眵似有神
廚運倏忽主人定夢羊觸疏坐客休驚犬爭骨杖如可化
愁高寒繩便堪梯怖飄兀兀何如痛飲隨自然不共浮雲爭
出沒五更街鼓慘忽沈簾隙看天暗光發一度愁鄉與睡

集十一

四

鄉傾盡千觴已飛越願借君觴更屬君人生幾度陰晴月
十六夜有月俄爲雲掩囚懷孫吟秋再疊前韻

純孤出海森且蹶流光欲補前宵闕此時大地騰籟聲我
欲不狂心勃勃穿林一線棲烏翻下砌三甃語蟲歇巡欄
索句方沈吟又見纖雲卷如髮美人隔帷花隔烟縱好無
如閒芒忽只將彩翠輸鮮鱗不借華膏鍊塵骨彌畱漸覺
意慳悽舍去尙餘心仄仄中宵風露淒已寒達曙星河澹
將沒後時好景還蹉跎便有清歌詎能發遙知故人招恨
同雁夜迢迢相看咫尺不相親盼君如晒雲中月
十七夜借張秀才嘉會談是夜有月三疊前韻

傾囊斗酒謀竭蹶一任清光滿瑤闕且烹茗談千秋攜

叱羸劉詆平勃堂深夜寂鬼不窺放言危論何由歇朗吟
震屋飄瓦松散步巡階破石髮太息君才竟老蒼吁嗟吾
意真悠忽誰家長笛聲入雲吹裂巴山老猿骨頓覺長空
淨沈寥不知方寸起突兀我曹撫運聊蓬行若箇懷奇久
蕪沒卽看天上簷諸光忍待今宵亦終發再逢興會宜招
尋豫恐離鄉間秦越送君出門復入門不忍多看是殘月
夜飲孫吟秋齋頭鄰家火發歸而成此並訊吟秋
朝來我讀吟秋詩光燄萬丈騰陸離夜來更飲吟秋酒華
燭滿堂生白晝居然奪席上眾賓絕似爛額焦頭人似聞
車轄已投井又報魚踰先扇門我謂吟秋毋狡詭準擬今
宵腐腸耳可憐小戶當初筵已見流珠眼芒起起看四坐
方清談霏霏玉屑吹微酣不知泥醉竟胡底側耳街鼓搗
纔三誰將此意達天聽天笑狂奴此宵病傳呼列缺導祝
融咨汝解圍惟奏功彤幢紫霧倏飄下中堂哄飲猶詢詢
一聲礮解天地拆東舍已作阿房宮各將酒面看天色潑
翻血海無其紅主人危坐掣客肘我奮排筵絕裾走手揮
烟燭如犇蛇鬼哭神號一回首歸來火速箋游光我酒已
醒毋披猖倏然火滅天亦曉作詩急訊吟秋老

發鎮陽

又趁西風事薄游冷裝依舊撥吳鉤淒涼道路看人面浩
蕩川原信馬頭終古遠山埋瘦日半生華髮戰高秋眼看
如此淮南地獨倚涼天寫四愁

秋夜燕張蓀圃座

白雪吳兒發曼聲華堂九月嘯雛鶯
眾中幾點聽歌淚不到歌闌未敢傾

屏圍屈膝夜沈沈緩緩歌還淺淺
掛喚到尊前非侑酒愛他吳語似鄉音

東山絲竹感平生不到中年已暗驚
猛省此身爲異客一宵歡燕主人情

借吳竹亭訪珍珠泉

荀輿背秋城晴嵐獻蒼媚鎮日齋
樹顛卽是此山翠一泓在山麓登瑩
沁幽思仰出泉之常跳珠獨靈異豈
其鮫室藏或者龍女戲瑟瑟迸有聲
勻圓洩無次旁或頓足呼湧出更多
致日光耀燿燦烟氣蕩幽澗涓涓嫩
玉聲一道寫芳膩有客顧我吁此泉
塞遭值品不登圖經名不出方志
筇屐罕尋探亭臺少位置村童裸來
浴牛羊飲成隊置此荒僻區乃真憾
心事我言良不然此或得泉意高名
每難副多汲豈非累且與試竹鑪松
風起遙吹

集十一

六

鄧家墳寫望

登山畏曛黑山半誰家墳聊復倚枯
木悵眺延斜曛華表臥草閒辟邪繡
苔紋不知何公卿料已無子孫俛眎
極千里大野連秋旻秋陰市地來浩
浩風沙昏殘綠掃未盡慘澹霾浮雲
壽陽瓦一堙淮水圍長闔美哉江河
閒有此形勢存孫曹始作俑戰守何
紛紛天心倦離合地力疲吐吞

方今萬里一地險安足論頗聞守土責宜備淮渦神浸城
獻三版徙宅空千村頻年苦蝗旱此患匪所云但見途路
旁野哭多流民造物本無外誰與排九閭長歌不能盡恐
擾泉閒魂行行復延伫天半松濤奔

秋色

叢叢紫翠作秋英雨過閒階洗倍明若比春花爭得似不
輸穠豔只輸情

廉頗冢

昔年流涕史遷文抔土今來弔夕曛復用趙人愁不免一
爲楚將竟何助英雄論定三遺矢市道交成再將軍終古
人情只如此試將杯酒與澆君

集十一

七

架頭頗多故人枉書未報作此寄意

強半書來有淚痕不將一語到寒溫久遲作答非忘報只
恐開緘亦斷魂寄意愧無青玉案封函懶置綠珠盆故人
若問秋消息落葉蕭蕭自掩門

孫叔敖祠

三時巫覡舞婆娑四壁碑題罩薜蘿循吏傳開名領袖寢
邱封古廟峩峩生前遇合樊姬笑死後悲歡優孟歌借問
貪廉何計得芍陂千頃自澄波

重九日雨張守先攜酒見過

萬里秋雲慘不開淮南水落雁聲哀地無一片登臨處

近正

陽無天送滿城風雨來幸有故人能置酒可堪今日不銜

杯已拌醉斷還鄉夢任爾鄰雞喔喔催

午窗偶成

只餘僮僕勸加餐那望圍官進食單門館晝閒攤飯起架
頭隨意檢書看

遶籬紅遍雁來紅翹立雞冠也自雄只有斷腸花一種牆
根愁雨復愁風

烏帽欹斜已戀頭楚天涼思正悠悠中秋無月重陽雨孤
負人生一度秋

新僕

新買孤雛瘠不肥未來先爲製寒衣桀驁野性馴猶苦嚙
囁方音聽總非爾輩何求惟一飽主人無奈亦長飢憐渠
骨肉猶人子詎忍輕施夏楚威

集十一

八

悼馬秀才鴻運

飄零之楚復之燕檢點遊蹤欲半天只道馬卿常善病誰
知長史竟無牟感君意氣堪千古傷友生平又一篇尺牘
臨風還自悼他時誰弔酒鐘邊

李繡川招集廣住庵看桂并贈叢輝上人

庵劉良佐建

捨宅空傳異姓王討秋今讓客清狂分明金粟全身現和
合旃檀一味香佛地逢花宜破笑人天入座且傾觴主情
卻比醇醪厚何處尊前不故鄉

不用行廚亂雀羣山僧畱客自殷勤

上人設食甚精

飲從歡喜河

流借饌自摩尼釜鍍分鉢底龍涎千丈雪袖中黃海萬重

雲前遊小話沈齋磬又報花開已夕曛

話吟秋齋頭次韻

半榻茶烟兩鬢侵一天涼思繫疏襟花貪入道披黃帔時庭
桂盛竹解留人下翠禽世態秋雲難比薄交情春水不嫌
深誰從藥臼薰爐畔省識斯人萬里心

沙洲行

門前洲渚春水生浩淼遠與淮流平吳編楚舸泊門下睡
鄉伊軋皆鷓聲經時臥病出門望但見短草搖天青水落
不知處草青行復枯行人如豆馬如蟻出沒草際行蠕蠕
若教此地不爲浸豈非萬頃真膏腴長淮樹底渺難辨極
浦征帆有時見帆影還爭落日飛鼓聲或遞回風便一行

集十一

九

雁帶商飈來散作秋陰滿淮甸捲筇獨立何蒼然萬里勢
落蕭遼天客魂久已迷下蔡地氣莽欲開中原世情生落
盡如水何必桑田與滄海等閒風景傷羈人我客茲邦已
彌載故鄉昨日郵筒來石田犂确生蒿萊老親日日倚門
望試問遊子何時歸沙洲行復別伊去明歲水生無我住

二十夜

破窗蕉雨夜還驚紙帳風來自作聲墨到鄉書偏黯淡燈
於客思最分明薄醪似水愁無敵短夢生雲絮有情怪煞
鄰娃戀長夜坐調絃柱到三更

尹六丈爲作雲峰閣圖歌以爲贈

出君曾中隨意之邱壑圖我懸崖萬仞之高閣斷腰破頂

峰狀千。繚石穿松雲態各弄君筆頭。隨意之丹青使我爐
形鶴面生光瑩。風塵掃盡出真相。土木塊然還舊形。蓬萊
元圃藐姑射。攝入橫圖不盈尺。雲邪峰邪重復重。杳然不
知圖所終。故令閻勢欲飛去。位我讀書長獻於其中。咄哉
此客大相逼。攬鏡依然舊相識。周旋與我成三人。畢竟置
身高處得我曾。夜半登祝融。鐵笛叫出金鉦鉦。又曾黃山
看鋪海石壁。雲蹤至今在他如匡廬九子天台四明舊遊
一一歸夢境。君畫與我通心靈。從今臥遊不復夢。但恐披
圖意飛動五岳尋真願。總乖千秋作賦才。何用碧海難騎
李白鯨紅塵。漸老嵇康鳳客裏相逢意。轉親袖君高手畫
麒麟若論此日圖中客。亦是尋常行路人。

集十一

失題

神清骨冷何由俗。鳳泊鸞飄信可哀。何處好山時夢到。一
聲清磬每驚回。定知前路合長往。疑是此身真再來。聞道
玉皇香案下。有人憐我在塵埃。

爲沈葦亭題覽鏡圖

便道三生路不迷。此生幽恨已難齊。分行淚碧凝遺掛。積
寸心烟裊舊題。早歲子荆傷永逝。半生摩詰判孤棲。黃金
買盡渾難鑄。畱待他年紫誥泥。

梁可堂爲作山水冊因題其上

賤子原多癖。先生自不閒。夜歸江上夢。晨點雨中山。寒翠
自然積。野雲何處還。願從幽絕境。對結屋三間。

畱別正陽書院諸生并懷邵二雲編脩人臥悲
往歲青門客曾爲此地師斯人眞世表而我亦心儀暫釋
上丁萊仍然太乙藜諸君應悵惜未得久追隨
好事多君等時來載濁醪誦聲聯四舍談緒引中宵不厭
箕虛位將毋木下喬經師未岑寂影質且休嘲

不是周旋久誰知作別難懶驚邊睡足飲詭那腸寬此日
勤根祇他時望羽翰生平求友志休作世情看
送送一何遠秋原而地陰道存無聚散身在任升沈歲月
驚將暮雲山黯自深停車重爲別其此百年心

贈程生人中

生年十五六文采亦已高譽雖籍籍其氣靜不挑淬銳

集十一

十一

比干鏢燦華爭璫瑤眾中得吾子如得綏山桃孔融有小
友王充多稚交亦見古先哲投分懷英髦我獨何人斯敢
以年自驕抗顏已彌載無術相蒸陶今方與生別款款觴
醇醪請我贈一言我意非徒褒我昔三五日壯氣千星杓
自擬羅預閒置身惟雲霄久之竟無驗譽者今已嘲尊前
有覆轍敬矣毋相遭但聽我言苦勿恃君顏韶
何事不可爲二章詠史

何事不可爲必欲爲人子異地附瓜葛他山託喬梓乃知
腥羶所萬物任驅指蝶羸多微蟲黎邱足奇鬼東海一逐
臭西江詎瀚恥甘心謂人父生者良已矣所苦泉下人他
鬼奪烝祀依然見斯流被金而佩紫更有呼父人相步後

塵起父人復人父誰非竟誰是

何事不可爲必欲呼人師觀其用心處豈在道義爲昌黎
作師說嗚嗚費繁詞誰知矯枉甚流弊爲今茲後堂列女
樂前廡陳牛衣位置雖不一市道均無疑桃李本春卉向
暖固所宜竊恐白日光難遍傾陽枝今朝羅雀處昨日橫
經時聚散在轉瞬令我長歎咨蕭蕭子雲室寂寂康成居
茅茨且休翦抱經聊自怡

不其題可堂印譜

昔聞昌黎言爲文須識字俗書動譌謬焉論古書契所以
有心人索古具深思觀其變態中綽可見根蒂伊惟印信
作旨故得書意繆篆雖縱橫締索極精邃銅斑玉血中一

集十一

三

綫斯文繫重不侔鼎鐘功只記姓氏人各自爲佩識字聊
一二奈何俗儒舛此道亦捐棄私心自增損屈體鬪纖媚
誰歟出攻苦相與究疑義邇逢吾可堂於此見三昧作之
不甚惜求者鮮不異欲令一筆譌千金不回眎褒然成一
編倉斯吐光氣波磔必老蒼慘淡出平易每於半黍閒欲
作千丈勢觀其用心處實欲功斯世吁嗟俗眼多曲說中
肝肺落落趨風塵何人辨能事西兵方凱旋羽書走星騎
將軍要勒銘軍中孰書記此事非君誰道遠莫能致三歎
聊贈言藏鋒待時至

壽陽

花草何須怨楚宮六朝殘劫總成空地經白馬青絲後山

在風聲鶴唳中終古英靈走河胃此間形勢障江東我來
只訪劉安宅一片斜陽古廟紅

半壁淮南翠撲天振衣絕頂勢蒼然忽驚雞犬入雲去遂
有風禽來耳邊兒輩偶然能破敵才人何必定成仙登臨
去住終爲客日暮空歌招隱篇

渦水舟夜

爲憐渦水照人清素舸輕裝歲暮行但見流民滿淮北更
無餘笑落陽城月臨霜草寒同色風旋冰花凍作聲如此
天寒途更遠扁舟一艤若爲情

題潘寄湖照

集十一

三

荻花疏雨柳絲風白板船掀箬葉篷活國活人雙袖手暫
題詩在水雲中

料理烟霞遣簿書斯人用意未全疏隣渠萬頃無琅碧不
鼓巴琴起大魚

雪夜至亳州

信帆溯清渦歲晚水源閉適我將舍舟風雪塞天地襍被
輕易肩書簾愛難棄絮帽不煖頭迎面玉龍戲夜色斂却
炯一白了無際虛光紛四來極眺快心意如乘剡溪船興
發忘所自如龔蔡州軍銜枚走精騎一髮見南譙界天明
睥睨此邦古都會人物挺殊異當塗斯沛豐三分推吉利
文采擅一門雄威振當世霸圖荒已陳英風渺焉逝鬱我

懷古心亟就市沽醉殷勤愧館人幾訶怯關吏解裝然溼
薪孤吟聊擁鼻急雪一打窗空宵客魂悸

渡河

一夜胡風吼河聲怒似雷上流冰動岳亭午日飛灰浪挾
羣靈走沙浮浩劫來懷中無白壁逕渡不須猜

題濟寧驛舍

烏烏凍角成樓空隻墩雙亭歎轉蓬今日倦遊過濟北何
人長句擅山東欹斜舞影雜聲月觸忤愁心馬耳風明發
南城驛前路去程都在雪光中

馬上逢雁

我方北去三千里爾是南來第幾羣來歲北歸如有意深

閨書札恐煩君

集十一

西

東平

如繩大道走晴雷似水征輪起薄埃山勢盡朝東岳去地
形都向北平開絃歌鄒魯仍儒俗指顧燕齊想霸才快眺
頓忘行路苦一鞭捎下亂岡來

東阿項羽墓

將軍之身分五體將軍之頭走千里擲將贈友歡平生漢
王得之下魯城可憐卽以魯公瘞想見重瞳炯難閉至今
燐火光青熒猶是將軍不平氣昔奠絮酒烏江頭知君毅
魄羞江流懷古復過彭城陌知君英靈愁故國兩地招魂
不見君卻從此處弔孤墳美人駿馬應同恨多少英雄未

路人

東阿道中逢汪劍潭

三千客路行未半昨夜始宿東阿縣曉扶殘醉登雕鞍午
向茅檐餐麥飯擔夫逆旅相弟昆瀟洒行裝子無伴門前
郎當聞馱鈴有客停車捲車幔裘馬雖爭入蜀都容顏畧
似游梁倦凝眸審得故人是失喜抱持狂欲旋大海浮萍
聚亦奇各拂征衫更相見五年相失江淮閒舊雨星飛尺
書斷誰知馬溷塵坑中千里遊蹤牽一綫我來潁亳君淮
徐征程似水東西判天公若慳會面緣早晚何難一程先
問君此行胡爲哉懷策欲向金門獻多時苦作飢鳳號今
日應隨景星見我簪秃管亦沓來相從願識金臺面斯遊
端合決行藏親老何堪久貧賤此邦去歲遭黃巾過客至
今猶色變時時林鳥驚虛弓往往村墟斷朝爨窺囊縱不
憂盜賊爭命何曾識刀箭逢君始覺膽氣粗獨客愁心春
冰泮復憂天際堆同雲只恐前途飛雪片畏寒偏欲衝寒
來我輩謀生不如雁今宵且作竟夕談十千沽酒寧容算
從此千山並轡行車中更乞新詩看

曉行

星光暗到客行處霞色起從天盡頭小店欲隨平野去殘
燈都被曉風收絕憐鐘破將歸夢可奈霜欺欲做裘嗒喔
荒雞最無賴雁聲又送一鞍愁

高唐

古意爭如客意多迎風伏軾快經過徒聞上客工長笑會
說州人最善歌淳子髡縣人故里道旁皆有碑艸沒龍頭應有塚沙枯馬
頰已無河臨流亦效宣尼歎吾道從來奈命何

德州

江鄉風景眼曾諳近水孤城一駐驂百斛估船來日夜千
檣漕艘自東南唱歌帶客調銀甲市酒澆愁瀉石甌人馬
同時渡河去夕陽吟思最清酣

景州道中戲呈劔潭

未獻長楊賦先經細柳營前途多姪女愁聽數錢聲

獻縣汪丞坐中觀技

主人憐客困行李開觴命奏婆猴技一人銳頭頗有髻喚

集十一

六

到筵前屹山峙鎮頤解奏偃師歌斂氣忽噴尸羅水吞刀
吐火無不爲運石轉丸惟所使上客都忘葉作冠寒天條
有蓮生指坐令棊几湘簾旁若有萬怪來回皇人心狡詭
何不有爾爲此技眞堂堂此時四座羣錯愕主人勸醉客
將作忽然塔下趨奚奴瞥見庭中飛綵索少焉有女顏如
花款闌循牆來綽約結束腰軀瘦可憐翻身便作緣竿樂
初凝微睇奉高繼高繼見鄴中記欲上不上如未能失勢一落似
千丈翩然復向空中騰下有一髯搥畫鼓根棖節應竿頭
舞驀若驚鷺墮水來輕疑飛燕從風舉腹旋跟挂態出奇
踏搖安息歌逾苦吁嗟世路愁險艱爾更履索何寬然鼓
聲一歇倏墮地疾於投石輕於烟依然娟好一女子不聞

蘭氣吁風前我聞西京盛百戲此雖雜樂猶古意石虎休
誇馬妓書杜陵雅愛公孫器螭鵠魚龍亦偶成戲耳何須
蕩心氣狂來逕欲作拍張我無一技爭其長十年挾瑟侯
門下竟日驅車官道旁笑語主人更觴客明朝此際孤燈
驛

河閒旅次次壁閒韻

北風古道走黃沙落日高城隱暮笳地枕滹沱還似礪人
居燕趙慣如花愁聞石調邊兒曲怖聽雷聲夢裏車不少
道旁遊倦客也言歸思邁烟霞

原韻一夜關河斷飛雪不容清夢到烟霞

趙北口

居然楚尾吳頭畫忽向燕南趙北看爾許離心攀不得十

集十一

七

三橋柳挂蕭寒

乙未除夕前五日筇河先生偕集陶然亭分韻得
影字

蒼精奮長鞭元武縮其頸豫從黑道中捧出熙熙景下土
方在迷達人已猛省九衢足輪蹄晏歲益驕騁豪奴走華
餉絡繹鬪豐艷誰憐天地春汲汲爭俄頃或亦強解事消
寒燭能秉重幕圍甌爐怕使風吹影陽春縱有腳不詣坐
蛙井吾師古汝冥展序動遐襟指點城南隅一片蕭涼境
此可羅古歡亦宜散盃皿烟直流飛燄天空障崇嶺春魂
呼欲出春意撩猶靜上座歸老蒼分席閒耀瘡星散人海
閒環顧條合併清談正霏綺四座忽引領夕陽走山翠亂

撲到軒屏吸入深盃中眼花旋相凝酒面蒸餘霞一縷吐
殷頰引杯纔說申問夜俄及丙起看天上星已聚光耿耿
東皇伫靈驂歡意相與永壽考兼榮名自錫不須請玉山
漸頽唐我意卓然警影纓上國遊醜士類山瘦蕭蕭吟露
蛩兀兀揀書蛎裹身熱塵中百法不化冷豈期北海筵得
列西園梗顧眄一生輝華心渺思逞緹室飛纖灰春力一
何猛可知天地心不在千桃杏奈何嬉春人必待月如竊
賤子工談俳羣公任歌郢作賦雖不成吾以志吾幸

棟鄂烈婦輓詩

舒相國第六子婦夫死自經以殉

黃閣峩峩倚玉京舞鸞中道阻哀鳴九泉誓共郤生穴一

集十一

太

勸真崩杞婦城

天子動容旌赤管相公收淚慰蒼生冰霜那得心如許曾
向穹廬萬里行

青羅帶子角雙垂錯認人間續命絲拋向空梁愁玳瑁殉
歸香土化臙脂可知就義從容日卽是同心罷勉時身後
不須封石窳西山高並冢纍纍

哭龔梓樹

相逢兩小意相親轉眼青山哭故人到死未消蘭氣息他

生宜護玉精神拋殘小劫初三月

正月初三日卒

看盡名花二十

春怪道年時頻夢汝半身霞粹禮羣真

十年舊雨阻燕雲把袂俄驚冥契分一喘夜窗猶待我兼

兩當軒集卷第十二

武進黃景仁著

古近體詩四十六首

平定兩金川大功告成恭紀

謹序

蓋聞六月歌于風詩九伐秉自周禮堯天至大聿興丹水
之陣舜治無爲亦事有苗之格稽古哲王未嘗不以武戡
亂命師用邊是故兵也者聖人非樂之也所以讐不庭除
不軌救無辜正大懋也抑或聲教有不及暨撻伐有莫可
加自古迄今未有并區兩大齊軌萬國德敷之而成若威
振之而卽舉豐功偉烈如我

皇帝者矣惟兩金川蠹爾餘孽雜谷荒裔金沙穢流馮其

集十二

退阻肆乃狙賊急則相倚如狼狽之一膽緩則相嚙狀蚍
蠆之兩頭曩者

王師奄征瓦解冰釋

帝惟天不偏覆日無私照討叛示武柔服示懷虔劉焚蕩
有未盡焉雨露再滋陰沴潛作養其蝥螋之毒侈厥梟獍
之志于是

天子赫焉西顧元戎肅將

天誅有征無戰不逾七旬之期一勞永逸略俟三年之久
擊其老弱剽其巢穴頡利之首函焉先零之頸繫矣捷旌
星至羣懼雷抃以乾隆四十一年二月大功告成百禮咸
備史官載烈以筆詩人著美于頌彼夫漢使開邛徒通竹

杖之利魏臣賦蜀惟誇蒟醬之美臣草茅下土夙黯研述
每陋前言或多未當謹抽極思之致敢附奏御之篇不以
鋪張爲主而一歸之

聖天子彰瘡者定之至意其辭曰

聖不得已亦用兵于功爲造德則成我

皇御宇奠八紘地彌天區廓合并誕敷

文德恢何宏有不格命始用更九黎三苗從薄征二萬餘
里條底定蠢茲金川俗敝倬雜谷沃日紛殊名在昔負固
喧蛟虻于鎮一掃無長鯨坐收荒徼歸王程唐皇駿業垂
千正工歌聲詩賢誦賡

帝曰伐國謙斯亨其地吾宇民吾毗渠魁已得他奚爭越

集三

二

年逾紀孽載萌耿以燭火抒櫬槍四家十姓先內傾猾會
彼猖誇僥豐昔者款關今敗盟示威罔讐誠罕怔

天怒赫斯開九閔桓桓禦武厥命卿類造

上帝告

宗祊往救赤子離阱阬天將位列西金庚上掩方召卑韓

彭

命惟三錫師尙貞公徒具綬微朱紱妙簡七萃聯五營兵
車四出麟隱軒

金符節郎剖玉瑛牙璋赤炎輸芒瑩春開武庫兵自鳴夏
摩出火聲錚錚十星斧鉞隨參橫靈旗珠斗畫牡荆烏號
越棘兼雕解鹿盧筒次如連瓊雍狐瑞輶光浮晶神矛跌

踰初降精山立雲委出天根元戎拜

賜身爲輕夕不家宿辭

帝城式董戎寄揮長纓維時羣醜方翦翦思戟螳臂當雷
轟戴山元蚰觸柱蜻伊恃阻險山嶒峭毒淫霧水流澗濼
百飛不度愁羌鷄漆身披髮形怪獐猿狙雜隊工趨趨升
降峒壑如履坪用敢背恩凶貫盈

王師奄至驅獍麋霍若天外影星旌復疑地中鳴鼓鉦驚
逋竄竊同縣辭甘泉日夜來捷音

至尊洞燭軍中情沈謀密斷醜莫偵萬里決策無搶攘六
軍用命忘有身羊腸虎棧千盤縈懸車束馬登紱鬣前軍
鑿石雷殷磅後隊伐木猶丁丁或手接樹鬻纏紵雁行魚

集十二

三

貫交推擎每逢一險百巧呈絃聲霹靂山砢訇忽或萬炬
然火糊地雷慢砲豁谷豁火雅火雉而火狂烟飛石散開
崢嶸游魂灰滅不及睜突鋒冒燼紛投誠頸徹絃索髡鬣
攀旄則負杖兒束紉曰見天日逃圍圍示賊巢穴指掌明
左屠右翦怯孰殼斜攻聞發窮支撐迎刀策解無堅擘斷
蛇首尾交擊榜如拉朽株如建營首俘厥父磔國門獲生
累累娃兼嬰元凶膽裂心惛惛枝頑助惡陰使令負嶠困
門且束頸延死一息藏井壑

天威震奮疾復勅鏝削虎穴薰鮑贖彌雲而布天畢罔不
使蚊睫逃螭蜩鏡奏月捷喧錚錚降王銜壁軀裸程窮鱗
敢甲俛就烹頃刻豁阻皆蕩平天人中外喜則均

帝惟

列聖威爽馮聿諫

陵廟驂玉衡五雲松柏飄醇醑祠官奉虔陳特牲祇

告武功於赫聲陬維二月春英英旌

蹕南苑韶景新敬奉

聖母巡岱行

慈釐茂育天禧迎千官扈從鏘璆珩錦花陌路飛羣鸞

慈顏顧喜天回榮岱宗鬱盤何岷嶰青氣上屬宮闕宏吉

日刻瑞檢紫璠勒成紀烈迓百禎呼

萬歲三響震眩江淮九節抽茅蕝嘉禾六穗聯一莖二七

十王功孰京

集十二

六飛載駐鸞和譽

素靈闕里輝煌煌行告成禮宮開饗儀曰三獻奠兩楹祭

藻舞戚奏咸猷禮成進講羅諸生從容六籍相簧笙凡百

嘉瑞惟

帝慶西師按候方凱旋長驅壯士歌慨忼虎臣解甲懸破

彌去時茁柳歸弄雲

帝曰勞矣觴兕觥策勛舍爵子實政凱樂告

社金石鏗史官載筆書藏宸洗兵甘雨傾蓬瀛邊徼永絕

織塵驚雕題鑿齒皆王人在上曰矇旁曰岍億萬斯載歸

皇清

平金川饒歌十章

謹序

皇帝以兩金川羈服在昔並隸土司未幾狡焉釋騷違我
邊吏抗我顏行大軍進討五載而將軍阿桂實成厥勳于
是祭告省方獻俘班爵官有典常自收準噶爾部二萬餘
里以來

聖武丕丕禮樂爲昭復茲咸覩赫矣那矣其軼於前代者

也臣伏見美大世也

聖主威靈聲行仁漸義剿有任賢將之明除惡務盡之斷
所以耆莫大之功有不匱之孝思格于上下百神所以專
爲廣溥之恩誕受無疆之福宜被歌詠用膺休烈擬爲古
樂府饒歌曲凡十章章舉其目雖不足仰希作者風節庶
幾饜鼓軒舞之義其辭曰

集十二

五

帝聖武期會昌誕靈極綬入荒吹萬亭育浩括囊自東西
南北咸丕享弦弧剡矢

皇威赫張不遐砥屬率格命有不格命

帝曰予肆正眇竿檄騷曷靖再克捷永底定功之成惟

聖謨恢天綱奠神輿狡蟲畢情民蘇滂洋洋噉會圖

聖武揚美大功也

賊何巢巢惡木波滔淫豕咀蠹是生梟獍孕虺蝮謂天視
遐莫我劉劉有狙有獷黨彼凶族

王師霆奮抑何速解無脫攸矢守箠斬闢孽庭不可以谿
谷髯君蠕蠕就置罷巢之戢眾雜覆一雛爭網漏疏目反

爾鼠噬呼穀穀爾父國門有顯戮

戡賊集敘始事也

異命申命定西載典圭炎禍靈旗惟參四星實副之正邦
除懟汝實司詔若緩急若先後橫絕萬里決策汝授尙赫
赫禦武

皇靈是佑屢屢爲夏滔滔當春往沛時雨清沴氛膺福艾
曰虎臣

異命申子阿桂定西將軍印豐昇額明亮爲副也

勁旅發雲駸駸甲霜野戈鄧林天劔倚月羽森蕊犀陸截
輕鴻波沈火牛燧象孰敢攫潛度月在箕畢軫翼迅焱施
爛惟此千隊萬騎

天子所命元戎是寄誰謂小蠢無役重兵我

集三

六

皇帝武惟斷乃成枝駢九校鱗比七萃岳移雲動雞犬不
鳴吠遠井絡回參旗從九天壓雪山以摧彼頑敵虜方
嶮崖

勁旅發飭滿洲火器營起軍也

不五日烟霾昏翳川霧岳潛游魂前跋後顧據凶門五日
捷展陽耀疾雷破山蕩青徼倦虜伏執趨趨繫組貫索
他他籍籍曰吾儕匪敢反側彼狡酋實僭厥德嗟凶黎爾
禍洵自貽疇昔來乞命國如累卵危爲汝萬里而懸師今
反黨惡自令翦滅爲五日捷猛何疾蚬蠅兩頭斷其一移
軍進戡急勿失

五日捷復取美諾也

軍宵行露泥泥豐隆收聲雨新霽開行疾發塵不起摩天
羣峭礪百重一礪告傾百屯燬電捲列柵呼聲般空羣凶
倉皇殲軀夢中餘者突鋒冒燼飛走窮一日克收三年功
因建瓴勢撤彼外險乘霧直上惟將軍敢奏月捷排九關
帝曰嘉哉緊汝勤光若先烈用集勳

將軍奮阿桂克木思工噶克丫口豐昇額平遜克爾宗
也

大集師聲赫張發醜窟穴傾蓋藏賊恃犄角礪棧森相望
有勳一窟居中央蟠根苞枿歷紀生豺狼桓桓定西區畫
繳以詳環龜兼舍迅擊擄穴地斷臨閣泗淵絕飛梁俾若
援逕犀截矯翼難翔翔然後曳柴然炬魚貫浮沙囊地雷
殷發烈崑岡桀解支體從空揚迷魂竄竊窮奔亡中天秋
月懸明光

集十二

七

大集師克勒烏圍師悉會也

渠魁得從鬼區困獸且鬪僵負嶠師兩路集百險俄蕩除
彌雲羅布天羣鯨波涸鮑竇塞韞束靡聞然後渠魁乃得
悚惴惴糜尺組勅者庭孰爪距孰咀遠克負斯不遑處驅
白狼縛旄牛蠻觸盡欃槍收浩垓北寂無求置一堠永千
秋

渠魁殲平鳴喇依獲賊會也

俟社宜奏愷樂靈旁皇顯煜燦九土式莫百族咸若俘瑋
玉以歸罔有佚惡

帝曰予一人孰克武上天降祥光祐我

烈祖受洪捷赫明明以罪人得祇告於寢成惟
列聖不顯我

皇帝慶

俟社宜行獻俘禮也

帝德廣運六合寧耆定武功文用經格苗戡黎除不庭合
內外一徵障屏不占九譯趨明廷永奠四極贊三靈西鷄
東鱗侖雲亭百神受職惟德馨含生負煦各遂形昭符嘉
貺洞秘肩神泉帝漿傾渌醕澤物物解執使令厥挺朱草
枝瑞莖協契圖牒爛雲星握樞運符享遐齡

德廣運垂無窮也

集十二

平金川鏡歌

十章之七

八

王會車書萬國通軒弧舜戚本同功從知地輔天衢外只
在堯封禹甸中

曾傾西海蕩流沙撒馬花兒盡一家偏是旄牛青徼地卻
煩兩度拜輕車

蠻烟腥峒鬱唧嘈毒水金沙界作濠忽報將軍自天下一
時齊擁白狼逃

月黑軍星薄降婁漫山慘霧嘯鷓鴣天教小醜延殘息營
放奇功五日收

驚藏釜底刺遊魂焚女蠻君棄壘奔一夜六騾逃不盡自
牽草索到軍門

千層礪礪破雷轟百險俄從指顧平手縛樓蘭獻

天子不須高築受降城

一柱標銅再勒銘南人從此莫威靈請看四載懸師處十里桃花五里亭

春感

二月不青草蕭然薊北春千金無馬骨十文是車塵氣盡初爲客心空漸畏人道旁知幾輩家有白頭親

亦有春消息其如雨更風替愁雙淚爛對語獨歸鴻宮闕自天上家山只夢中東君最無賴不放小桃紅

卽席分賦得賣花聲

何處來行有腳春一聲聲喚最圓勻也經古巷何妨陋亦

集十二

九

上荆釵不厭貧過早慣驚眠雨客聽多偏是惜花人絕憐兒女深閨事輕放犀梳側耳頻

摘向筠籃露未收喚來深巷去還畱一堤杏雨寒初減萬枕梨雲夢忽流臨鏡不妨來更早惜花無奈聽成愁憐他茵頗生香處不在枝頭在擔頭

送何數峯之輝縣

輦洛才名動綺年識君風雪古幽燕情如春水桃花後游共天津析木邊獻馬客多金長價好龍人少畫銷煙歡場只意常相守忽報臨歧始惘然

行拋市上荆高去去訪山陽嵇阮游笑我因人常苦熱羨君前路正迎秋臺空歡落千年響地古泉爭百道流莫爲

登臨忘回轍有人凝睇鳳城頭

翁覃溪先生以先文節公像屬題像李昫古筆藏
夏邑彭春衣侍講家此先生屬山陰朱蘭圃臨本
也

我生後公不卅世公之斑斑無復存西江巨派遍海內摩
圍衍脈枯生塵家風鮮嗣愧才下空緬仿像勞心魂北平
學士示我畫我祖生氣今猶新映之蒼壁太古色洗以淥
水空天痕雙睛熊熊裂積鐵廣袖落落生長雲深山大澤
百秘怪坐朝詩祖來如奔何人作繪鑄生面李待詔唐超
不羣明知畫以人不朽想見下筆工苦辛匡廬大好讀書
處世閒邱壑卑何論可憐一與人世事積毀消骨憂殉身

集十一

十

文章光燄在天地絹素慘淡磨朝昏先生今世巨手筆後
先作者通精神賦詩還畫九頓首莫乞餘慧張哀門願從
大匠請繩墨華胄敢恃圖中人

桂貞曲爲潘蘭垞賦

桂枝中抱辛較甚蓮心苦剖作琵琶槽切切能私語不比
紅豆枝祇按相思譜過客傾耳聽繁絲激悽楚曲終人馬
喧此別成千古省窅墓門風霏霏陌頭雨攀樹迷故柯尋
聲何處所時見楊柳花彌漫撲空舞

顏魯公名印歌

顏家世寶魯公印我初見之光奪矚倚天柱地赤文兩銅
八分廣徑亦如何論倉籀孰秦漢招搖輸金造化鑪公之

靈爽照千古洞天琳腴結蕊珠英英握拳透爪力侃侃正
士端人書想當印印錐龍畫小署紙尾猩紅硃初疑舐罷
盧奕面淚痕血漬交模糊不然老臣忠義膽一腔色正離
方朱當時河北廿四郡大名獨邀天子呼世稱魯公不姓
氏況千載後鱖生乎口噤遑敢以手摸觸著恐犯蛟螭衙
頗嫌官誥尙書印九疊盤曲傷形模雖然物以入重耳以
此較彼徒區區詩成更乞印一紙佩作肘後龍威符要扶
心臍作正氣魂夢不敢流荒詎復愁雷電忽下取神物一
失如亡道

得稚存淵如書卻寄

秋窗夜涼燈一粟日南坊西數椽屋客心羈孤不可論忽

集上

有故人書在門書詞悱惻紙黯慘曾洗巨浪傾崑崙

寄書人曾

覆舟河關阻越兩年別展翰披緘轉愁絕洪生倔強百不

諳只解故紙驅銀蟬自餐脫粟厚親養儉歲襍被遊江潭

孫郎下筆妙心孔百煉枯腸瀉真永寄我新成病婦詩不

特才豪亦情種鶴籠鳳斂兩不聊憐我塌翅爲解嘲老親

弱子感溫問古意分明見方寸入世無妨醒是狂謀生敢

道貧非病燕山九月飛雪花日日典衣歸酒家聞鐘偶一

攬清鏡面上薄已汗塵沙插標賣賦愁絕倒臣朔苦長時

不飽織錦偏輸新樣工論文每歎清才少春風野火句全

刪今日長安住較難故人遲我作長句須在匡山讀書處

十月一日獨遊臥佛寺逢吳次升陳菊人因之夕

照寺萬柳堂得詩六首

風色薊門寒蕭條歲又闌六街飛蓋滿獨客廢書歎旅食
謀歡少清遊覓伴難朝來逕孤往瘦蹇勝雕鞍

崇南坊角路側帽自行吟市盡天圍堞霜清寺出林宮雲

荒碣石臺日澹黃金幸有故人共慨然談古今

長安碁局外高臥羨能仁寺佛作
臥像古碁忘年樹虛龕積寸

塵閉門知客少退院識僧眞便欲肩行李從茲寄病身

夕照何年寺龔生殯此間龔梓樹厝所命
僧置酒奠之遺文銷白蠹雷

骨待青山杯酒生平盡經年涕淚潛紙灰風動處送我出

禪關

綠野名園舊黃扉上相開連天起韋杜拓地館鄒枚事往

集二

五

寒雲白林空野鳥迴老丁鋤菜急不問客何來

欲放登高目平岡正落暉穿蘆時見帽攀樹每鉤衣雙鬢

明金爵羣峰走翠微南飛數行雁目送思依依

笥河先生齋頭觀馬負圖雨竹障子偕家葯林作

東土美竹植南邦富雨產我本東南人見畫豁雙眼兩年

塵土燕之睡此景那得移於斯先生指畫語奇事關中老

兵名畫師短衣縛袴走盤礴雄心健腕揮淋漓綠雲下垂

天雨泣百萬籜龍渾雨立急漲穿根爭道流疾風捲影遮

山入喧聲恍挾驚雷奔餘氣欲撲高堂溼從師昔游江之

千三年看盡江南山無山不竹晴固好看雨益復開心顏

沈思各已成往境指點忽落圖中閒吾家葯林亦工竹見

之卻立百回讀平生未賞輕許人歸臥夢繞瀟湘曲我不
識畫賞以心爲引大白張清琴何時雨中竹裏數椽屋坐
我朗誦還山吟

贈楊荔裳卽寄酬令兄蓉裳

五載游君伯仲閒相逢笑我鬢先斑且傾燕市飄零酒坐
看邊牆紫翠山彥重珠光輝日下茂沿竹韻振江關思兄
有句吟春草我欲相隨夢別顏

昨宵書札來江表苦爲離居弱季言只恐才名爭法護不
憂文筆遜平原冰天作客年方綺晏歲懷人日易翻早晚
薦書同北上斯人豈合久林園

故人憐我頓塵中溫語頻番慰寓公百鍊妖金空自奮飽

集十二

三

餐癡蠹有何功名心澹似幽州日骨相寒禁易水風拭眼
雙龍起騰躍未憂吾道竟終窮

元瑜筆札仲宣詩眾手傳觀絕妙辭萬事不如知已樂一
燈常記對牀時雨雲翻覆隨流輩裘馬輕肥讓市兒可奈
離心爭一寸每逢君弟輒相思

訪吳竹橋

敦牂季秋月文戰各云罷君時抱微疴我亦整游駕訪君
來琴川燈火官河夜人話竹閒堂舟維水邊榭我師青門
邵於君屬姻婭丈行弟畜我愛我百從借十年願見心一
夕快傾瀉才大工輒軻養深得蘊藉促膝未竟談催發舵
工駕袖君一卷詩讀向疏篷罅骨必推風騷韻或壓陶謝

百家入環中騰躍卽變化生平詔柔翰矜心爲君下離緒
琴莫刪流光駛堪訝失計人海游郎當馱鈴卸君來已先
我拊掌笑相迓析津候

鸞輿金臺詢馬價作賦聲摩空斂氣若閒暇失勢副車中
惜此穿楊射君才且復爾賤子敢悲咤所恃惟毫錐作計

已居亞君心絕坦夷見慣了非乍差喜塵渴軀冰飲悶陸

夏朝吟椒花舫朱笥河先生齋名暮觴紫藤架金振之寓齋藤花甚繁頗覺

師友懽歸鞍已忘跨誰知緒風起勢欲傾嵩華日色灰可

憐雪片大堪怕鬢怯酸霜侵車愁凍塵研酒價如山高囊

空艱一貫偶然呵交衢絡繹走鞍靶徹侯罷朝宴丞相歸

宵假鞭影搖珊瑚衣香散蘭麝歲暮多饋遺包纏雜巾帕

集十三

十四

感此游子心悽然返羈舍憶昨聞君言不如且歸稼款款
聯親朋依依話桑柘但得蓴絲羹何羨牛心炙苦語如晨
鐘三復味勝蔗閱世久益深君言豈余詐不投班生筆終
屈淮陰跨各負名山期何時了婚嫁

病中雜成

凍蠅僵壁飛無力兩鶴棲松翅倒垂病淺病深吾自驗酒
人疏到酒杯時

寒甚縱無衣可典貧來猶有飯堪加賤軀定不干天忌聞

看窗前霧滋花時木介數日

王蘭泉先生齋頭出寒夜集觀鄜湛若天風吹夜

泉硯作歌銘八分書目下小行楷鐫鄜湛若三字其九明福洞主小印

門鑰收魚漏停箭通政高齋夜張譙燭輝沈沈酒氣濃半
酣示客端溪研潤結雲腴細裊絲紫蒸玉暈光凝片有銘
有印了不疑明福洞主之所遺我公得此走萬里從征十
載軍中攜雷硯電襲奪不去蠻烟惡溪沐浴之開勝發匣
起光怪傳觀四座羣嗟咨研乎酌汝樽中酒似汝遭逢信
希有昔伴西山義士家今歸東觀名儒手當時海雪稱畸
人棄家亡命走鬼門摩挲銅柱度藤峽經過桂管窺五屯
藍胡侯槃雄四姓花面蠻姬更驍勁天女天魔舞隊奇阿
夷阿等歌歌妝艷鄺庄翩翩書記才陸離瑰詭相輝映是日
猺獍屢跳梁生入虎穴規覆藏記成赤雅將有用研乎辛
苦曾同嘗一身終殉家國難片石空畱姓氏香何如我公

佐

集上

五

熙代嵩華森稜見風概

天子命佐征南軍讀書長歎貔貅隊馳檄纔清驛國烽回
軍又撤旄牛蹇詩就常分豹略餘書成總出山經外想當
草疏還飛文軍聲如雷寂不聞精瑩研石不盈尺墨瀋灑
遍天南雲歸來論功爵不次研乎與汝同策勛公之英名
動

明主四海傾心屬公輔會看一片墨池陰不日化作蒼生
而我生萬事嗟蹉跎廿年人墨交相磨書生報國徒誑語
我不如研何其多傳聞同時有綠綺身後售歸錦衣子卽
今把玩知誰人何年劒合延津水惜哉見研不見琴購得

我欲傾千金持將獻公操一曲颯颯天風泉夜音

丙申除夕

闌珊燈火鳳城隈自擁氈爐引凍醅銀筓怕翻商陸火消
殘心字不勝灰

一歲似風吹劍上百憂如影墮燈前車聲已有朝天容不
及嵇康好晏眠

痛飲呼盧病未能鮮衣炫服態堪憎今宵未免深閨夢一
閒輸它退院僧

集十二

去

丙申除夕

餘光初盡海未銷翰文欵期懸掛會今宵未免深閨夢一
閒輸它退院僧

一歲似風吹劍上百憂如影墮燈前車聲已有朝天容不
及嵇康好晏眠

丙申除夕

兩當軒集卷第十二 第一曲颯颯天風泉夜音

